

KJKP „RAD“ d.o.o. Sarajevo, ul. Paromlinska 57, Sarajevo (u daljem tekstu „Naručilac“), koga zastupa v.d. direktor Mirsad Hošić, dipl. ing. maš.

Broj rješenja: UF/I-889/01
Porezni broj : 01700105
Identifikacioni broj : 200316890001
Transakcijski račun broj: 338-900-22080776-49
UniCredit banka d.d. Sarajevo

i

„CONNECTA“ doo Sarajevo, ulica Osik 6, Sarajevo koga zastupa direktor Edin Strukan (u daljem tekstu: „Izvršilac“)

Identifikacioni PDV broj: 201473260000
Broj rješenja: 65-01-1196-09
Transakcijski broj računa: 154-922-1111111181
Intesa Sanpaolo bank Sarajevo

zaključili su

U G O V O R

O NABAVCI USLUGA SERVISA I ODRŽAVANJA VOZILA VW – LOT 3

PREDMET UGOVORA

Član 1.

Predmet ovog Ugovora je vršenje usluga servisa i održavanja vozila VW, u skladu sa ponudom Izvršioca broj 03-108/20 od 28.09.2020. godine, a prema Odluci o rezultatima okončanog postupka izbora najpovoljnijeg ponuđača broj 05-03-04-17581/20 od 19.10.2020. godine, po Okvirnom sporazumu od 30.10.2020. godine i po Obavještenju o nabavci koje je Naručilac objavio na portalu javnih nabavki BiH dana 11.09.2020. godine.

Član 2.

Izvršilac se obavezuje da će usluge koje su predmet Ugovora vršiti u svom servisu, a sve prema potrebama Naručioca i na osnovu njegove pismene narudžbe. Izvršilac se obavezuje da će usluge servisiranja i održavanja vozila koja imaju garanciju servisirati i održavati ovlašteni servis „PORSCHE BH“ d.o.o. Sarajevo kao podgovarač. U narudžbi Naručilac je dužan navesti koju vrstu usluge traže od Izvršioca.

CIJENA

Član 3.

Izvršilac se obavezuje da će Naručiocu usluge iz predmeta Ugovora vršiti po cijenama iz Ponude broj 03-108/20 od 28.09.2020. godine. Očekivana vrijednost Ugovora na godišnjem nivou iznosi 14.025,00 KM. U cijenu nije uključen porez na dodanu vrijednost. Sastavni dio ugovora čini i specifikacija usluga i specifikacija rezervnih dijelova sa kataloškim brojevima i jedničnim cijenama, koji će u slučaju iskazane potrebe a u svrhu otklanjanja kvara na vozilu biti ugrađivani u ovlaštenom servisu po ponuđenim cijenama.

GARANCIJE

Član 4.

Prodavac je obavezan dostaviti garanciju za dobro izvršenje posla u iznosu 10% od vrijednosti ugovora. Rok za dostavljanje garancije je deset (10) dana od dana potpisivanja Ugovora.

ROK IZVRŠENJA USLUGA

Član 5.

Rok izvršenja usluga je 24 sata od momenta dostavljanja narudžbe od strane Naručioca.

NAČIN PLAĆANJA

Član 6.

Za izvršene usluge, koje su predmet Ugovora, Izvršilac će na osnovu narudžbe i radnog naloga koji je ovjeren od strane ovlaštenog predstavnika Naručioca ispostaviti Naručiocu fakturu.

Izvršene usluge Naručilac će platiti na transakcijski račun Izvršioca u roku od 60 dana od dana fakturisanja.

KVALITET USLUGA

Član 7.

Izvršilac se obavezuje da će usluge koje su predmet Ugovora vršiti kvalitetno i u dogovorenom roku.

U slučaju nekvalitetno izvršene usluge Naručilac ima pravo od Izvršioca zahtjevati da otkloni uočene nedostatke.

Reklamaciju na kvalitet izvršene usluge Naručilac saopštava Izvršiocu odmah, a najkasnije sedam dana od dana preuzimanja izvršene usluge.

Član 8.

Rok za otklanjanje nedostataka je odmah, a najkasnije 3 dana od dana saopštavanja istih.

ANTIKORUPCIONA KLAUZULA

Član 9.

Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju, agenciji), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmjerio poslove ka Kupcu, zastupniku, distributeru, preduzeću ili drugom povezanom preduzeću.

U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

OSTALE ODREDBE

Član 10.

Za sve eventualne sporove koje ugovorne strane ne budu mogle riješiti sporazumno nadležan je sud u Sarajevu.

Član 11.

Izmjene i dopune ovog Ugovora mogu se vršiti samo uz pismenu saglasnost ugovornih strana.

Član 12.

Sastavni dio ovog Ugovora je ponuda Izvršioca i specifikacija rezervnih dijelova broj 03-108/20 od 28.09.2020. godine.

Član 13.

Ugovor stupa na snagu danom potpisivanja od strane obje ugovorne strane i traje do 30.10.2021. godine ili do datuma realizacije obaveza koje su predmet ovog ugovora.

Član 14.

Ugovor je sačinjen u 6 (šest) istovjetnih primjeraka i to 2 (dva) za Izvršioca a 4 (četiri) za Naručioca.

"CONNECTA" d.o.o. Sarajevo
Direktor

Edin Strukan

KJKP "RAD" d.o.o. Sarajevo
v.d. Direktor

Mirsad Hošić, dipl. ing. maš.

SUPOTPISNIK UGOVORA
v.d. Izvršni direktor pogona
„Održavanje“

Haris Kukavica, dipl.ing.maš.

Broj 05-03-04- /20
Dana 30.10.2020. godine